

Incumbensa Degiacomi concernent la tgira d'uffants cun basegns speziels

Instituziuns per la tgira d'uffants complementara a la famiglia ed a la scola adempleschan d'ina vart ina funcziun fitg impurtanta per l'economia e per la societad. Ellas permettan numnadamain er als geniturs cun obligaziuns da famiglia da pratitgar in'activitad professiunala. Gist en temps che la mancanza da persunas spezialisadas daventa pli acuta èsi essenzial che persunas spezialisadas scoladas hajan uschè paucs obstachels sco pussaivel per entrar en il martgà da lavur en Svizra. Da l'autra vart èn questas instituziuns – ultra da las familias – lieus pli e pli impurtants per la furmaziun, per l'educaziun e per la promoziun dals uffants.

Ozendi chattan familias cun uffants cun basegns da sustegn speziels (p.ex. impediments) en blers chantuns ed en bleras citads models sco KITApplus che permettan er ad els quest access. En il chantun Grischun n'è quai displaschai vlamain in summa betg il cas. L'emprim sutsegnader da l'incumbensa è per exempel stà confrontà questa stad cun ina situaziun, nua che l'instituziun responsabla è stada sfurzada da disdir ina relaziun da tgira, perquai ch'il basegn supplementar da tgira na pudeva betg vegnir finanzià.

En cooperaziun cun visoparents svizra, cun Insieme, cun l'Associaziun Cerebral Svizra e cun la Federaziun professiunala per l'educaziun prescolara pedagogic-curativa han las associaziuns Kibesuisse, Fundaziun Uffant e famiglia KiFa Svizra sco er KITApplus elavurà la brochura «Kindertagesstätten öffnen für Kinder mit besonderen Unterstützungsbedürfnissen» che tematisescha la finamira d'avrir las canortas d'uffants per uffants cun basegns da sustegn speziels. En quella vegni mussà tge niz che quai ha per ils uffants, per ils geniturs e per la societad, tge ch'è necessari per realisar quai e co che la finamira duai vegnir cuntanschida en moda giuridica e finanziaria.

La Regenza vegn incumbensada:

1. D'adattar la Lescha davart la promoziun da la tgira d'uffants complementara a la famiglia per garantir a familias cun uffants cun basegns da sustegn speziels l'access a las instituziuns.
2. Ils custs per ils basegns da sustegn speziels duain vegnir surpigliads dal maun public e las familias duain pagar las tariffas usitadas che dependan da las entradas.
3. Ella garantescha ultra da quai ch'il Servetsch ortopedagogic haja l'incumbensa d'accompagnar e da cussegliar il personal da las canortas d'uffants per ch'i possa vegnir garantida ina tgira professiunala.

Cuira, ils 28 d'avust 2020

Degiacomi, Ruckstuhl, Thoman-Frank, Atanes, Baselgia-Brunner, Bettinaglio, Cahenzli-Philipp, Caluori, Cantieni, Caviezel (Cuira), Cramer, Deplazes (Rabius), Gartmann-Albin, Hardegger, Hartmann-Conrad, Hitz-Rusch, Hofmann, Holzinger-Loretz, Horrer, Jochum, Kohler, Kunfermann, Müller (Favugn), Perl, Preisig, Rettich, Rutishauser, Schmid, Schwärzel, Thür-Suter, Tomaschett-Berther (Trun), Ulber, Widmer-Spreiter (Cuira), Wilhelm, Bürgi-Büchel, Sigron, Spadarotto, Tomaschett (Cuira)